

所傲。心之所執。此名慢過慢。云何我慢。謂於五取蘊隨觀爲我。或爲我所。彼以爲因。慢恃慢性。心之高舉。心之所傲。心之所執。此名我慢。云何增上慢。謂於未得上之殊勝計。已證得彼。以爲因。慢恃慢性。心之高證觸。亦未現前上之殊勝計。已證得彼。以爲因。慢恃慢性。心之高舉。心之所傲。心之所執。此名增上慢。云何卑慢。謂於多分殊勝計。已少分下劣。彼以爲因。慢恃慢性。心之高舉。心之所傲。心之所執。此名卑慢。云何邪慢。謂具非德。彼以爲因。慢恃慢性。心之高舉。心之所傲。心之所執。此名邪慢。此七種慢名爲慢結。云何无明結。謂三界無知。此名无明結。云何見結。謂三種結名爲見結。云何爲三。一身見。二邊執見。三邪見。○云何身見。謂於五取蘊隨觀爲我。或爲我所。彼以爲因。忍樂慧觀。及以所見。此名身見。云何邊執見。謂於五取蘊隨觀斷常。彼以爲因。忍樂慧觀。及以所見。此名邊執見。云何邪見。謂謗因果。及以作用懷有之事。彼以爲因。